

OSNOVE HIRURŠKOG INSTRUMENTIRANJA

Operaciona sala

Operaciona sala je posebno namijenjen prostor za izvođenje hirurških zahvata.

Ovaj prostor mora ispuniti sljedeće uslove:

- biti odvojen od bolesničkih odjela i vanjskog svijeta
- biti tehnički i infrastruktorno osposobljen za obavljanje hirurških zahvata
- zadovoljiti standardizirane prostorne i higijenske mjere
- imati sve neophodne predprostore u kojima je osigurano neometano i sigurno uvoženje i izvoženje bolesnika, anesteziološka priprema i buđenje nakon zahvata, pranje i sterilisanje instrumenata i skladištenje operative opreme i lijekova.

Uvod

Koncept savremene operacione sale razvija se od vremena kada su se operacije izvodile u kući bolesnika, zatim u hirurškoj ambulanti ili u šatoru u blizini ratišta, do današnjih dana kada **su posebni prostori urađeni tako da se omoguće optimalni uslovi za izvođenje operativnih zahvata s najmanjim rizikom.**

Brojni faktori igraju bitnu ulogu u normalnom funkcionisanju operacione sale.

Pravilno raspoređen prostor potreban je ne samo za neposredno liječenje bolesnika, već i za osiguravanje prikladnog okruženja za osoblje uključeno u liječenje kao i za smještaj sve opreme potrebne za izvođenje operacija.

U osoblje neophodno u operacionoj sali ubrajaju se :

Hirurg, asistenti, anesteziolog, instrumentarke, anesteziološki tehničari perfuzionisti.